



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-36730-27/20
Sarajevo, 24.09.2020. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst i 37/14 – Ispravka) a u vezi sa članom 7. i 8. Zakona o imovini Kantona Sarajevo“, broj: 6/97, 9/98, 5/10 i 27/16) Vlada Kantona Sarajevo, na **34.** sjednici održanoj **24.09.2020.** godine, donijela je

ZAKLJUČAK

1. Utvrđuje se Prijedlog Odluke o davanju saglasnosti na Prijedlog Sporazuma o rješavanju problema u poslovanju KJKP „GRAS“ d.o.o. Sarajevo.
2. Predlaže se Skupštini Kantona Sarajevo da, u skladu sa Poslovníkom Skupštine Kantona Sarajevo, donese Odluku iz tačke 1. ovog zaključka.

P R E M I J E R

Mario Nenadić

Dostaviti:

1. Predsjedavajući Skupštine Kantona Sarajevo,
2. Zamjenicima predsjedavajućeg Skupštine Kantona Sarajevo (3x),
3. Skupština Kantona Sarajevo,
4. Premijer Kantona Sarajevo,
5. Ministarstvo saobraćaja Kantona Sarajevo,
6. KJKP „GRAS“ d.o.o. Sarajevo (putem Ministarstva saobraćaja Kantona Sarajevo),
7. Evidencija,
8. A r h i v a.



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Government

Na osnovu člana 18. tačka m) Ustava Kantona Sarajevo („Službene novine Kantona Sarajevo“, br. 1/96, 2/96 – Ispravka, 3/96- Ispravka, 16/97, 14/00, 4/01, 28/04, 6/13 i 31/17) i člana 8. Zakona o imovini Kantona Sarajevo („Sl. novine Kantona Sarajevo“, br. 6/97, 9/98, 5/10 i 27/16), na _____ sjednici, održanoj _____, 2020. godine Skupština Kantona Sarajevo donijela je

PRIJEDLOG

ODLUKU

o davanju saglasnosti na Prijedlog Sporazuma o rješavanju problema u poslovanju KJKP „GRAS“ d.o.o. Sarajevo

I

Daje se saglasnost na Prijedlog Sporazuma o rješavanju problema preduzeća KJKP „GRAS“ d.o.o. Sarajevo.

II

Daje se saglasnost premijeru Kantona Sarajevo da potpiše Sporazum iz tačke I ove Odluke.

III

Ova Odluka stupa na snagu danom donošenja, a objavit će se u „Službenim novinama Kantona Sarajevo.“

PREDSJEDAJUĆI
SKUPŠTINE KANTONA SARAJEVO

Mirza Čelik

Broj: _____/20
Sarajevo, _____ 2020.godine



O B R A Z L O Ž E N J E

I- PRAVNI OSNOV

Pravni osnov za donošenje ove odluke sadržan je u odredbi 18. tačka m) Ustava Kantona Sarajevo („Službene novine Kantona Sarajevo“, broj: 1/96, 2/96 – Ispravka, 3/96- Ispravka, 16/97, 14/00, 4/01, 28/04, 6/13 i 31/17) kojim je propisano da Skupština Kantona vrši i druge poslove utvrđene federalnim propisima, ovim Ustavom i kantonalnim propisima, člana 8. Zakona o imovini Kantona Sarajevo („Sl.novine Kantona Sarajevo“, br. 6/97, 9/98, 5/10 i 27/16) kojim je propisano da imovinom Kantona upravlja skupština Kantona Sarajevo

II-RAZLOZI ZA ZAKLJUČENJE SPORAZUMA

Odredbama člana 7. Zakona o imovini Kantona Sarajevo propisano je da Kanton vrši ovlaštenja i obaveze vlasnika po osnovu državnog kapitala prema preduzećima i ustanovama koja u cjelini ili djelimično imaju državni kapital, u skladu sa zakonom, osim preduzeća i ustanova nad kojima ovlaštenje i obaveze vlasnika vrše nadležni organi Federacije.

Članom 8. istog Zakona propisano je da imovinom Kantona upravlja Skupština Kantona.

KJKP „GRAS“ d.o.o. Sarajevo je javno preduzeće sa 100% državnim kapitalom i obavlja javni linijski prijevoz putnika u Kantonu Sarajevo.

U smislu člana 5. Zakona o komunalnim djelatnostima Kanton Sarajevo („Sl.novine Kantona Sarajevo“, br.14/16, 43/16,19/17 i 10/17) Kanton Sarajevo je obavezan putem pravnih lica koja obavljaju komunalne djelatnosti, osigurati trajno i kvalitetno obavljanje komunalne djelatnosti javnog prijevoza putnika na području Kantona Sarajevo.

Od 2000-te godine do danas u ovom Društvu nagomilan je niz problema koji su rezultirali velikim finansijskim dugovima po više osnova. Situaciju usložnjava veliki broj zaposlenih, neadekvatna sistematizacija, postojanje većeg broja invalida rada u Preduzeću, kao i tužbe radnika zbog nepoštivanja Kolektivnog ugovora. Situacija je dodatno pogoršana proglašenjem stanja nesreće izazvane pandemijom koronavirusa (COVID-19).

Intesa SanPaolo banka je dana 20.08.2020. godine izvršila potpunu blokadu jedinog transakcijskog računa KJKP GRAS koji je do tada bio pod ograničenim pravom raspolaganja od strane Porezne uprave FBiH. Nakon pokretanja pravnih radnji od strane advokata radnika preduzeća koji su tužili preduzeće i tumačenja donesenog rješenja od strane Porezne uprave Federacije BiH da se ograničeno pravo raspolaganja odnosi samo na njihova potraživanja, a ne na potraživanja drugih povjerilaca (rješenja UIO, sudska rješenja o izvršenju) uprava Intesa SanPaolo Banke je račun stavila u potpunu blokadu.

Od dana blokiranja računa sav priliv sredstva preusmjerava na račun Uprave za indirektno oporezivanje BIH što praktično znači potpunu dugoročnu blokadu poslovanja KJKP GRAS d.o.o. Sarajevo koju nije moguće riješiti bez rješavanja svih nagomilanih problema koji su opterećivali ovo preduzeće već duži period vremena.

Obzirom na veličinu dugovanja KJKP GRAS d.o.o. Sarajevo ova blokada onemogućavan daljnje poslovanja i postoji opasnost od gašenja preduzeća. Ovim bi bio ugrožen javni interes organizacije javnog prevoza putnika i odvijanje normalnog života u Kantonu Sarajevo.

Ministarstvo saobraćaja je nakon što je sagledavalo više mogućnosti kako postupiti u ovoj teškoj situaciji došlo se do zaključka da je deblokada računa moguća obezbjeđenjem sredstva od strane osnivača Kantona Sarajevo i postizanjem Sporazuma sa svim subjektima koji imaju svoja potraživanja od KJKP GRAS. Također deblokada računa je moguća i pokretanjem postupka stečaja ili postupaka finansijske konsolidacije.

Analizom prednosti i nedostataka drugih mogućih rješenja utvrđeno je da pokretanje stečaja ima veliki rizik po imovinu Kantona Sarajevo zbog založnih prava na imovinu KJKP GRAS od strane Uprave za indirektno oporezivanje i Porezne uprave Federacije BiH, te problema sa dugovanjima koji bi u svakom slučaju u višoj ili manjoj mjeri išla na teret osnivača Kantona Sarajevo. U vezi sa mogućnosti finansijske konsolidacije utvrđeno je da su rokovi za podnošenje zahtjeva za finansijsku konsolidaciju preduzeća istekli te da su ovim zakonom obuhvaćene samo obaveze preduzeća do 2013. godine i da su rokovi da vraćanje obaveza puno kraći u odnosu na rokove koji su predloženi ovim sporazumom.

U predloženom sporazumu su utvrđeni glavni problemi u poslovanju preduzeća, utvrđene obaveze sporazumnih strana Kantona Sarajevo i KJKP GRAS te definisani načini provođenja sporazumnih obaveza.

U članu 2. Sporazuma je navedeno da su najveći problemi u poslovanju KJKP "GRAS" a koji su nastali u prethodnom periodu i koji ugrožavaju poslovanje ovog preduzeća i obavljanje komunalne djelatnosti javnog linijskog prevoza putnika u Kantonu Sarajevo kao komunalne djelatnosti od javnog interesa:

- 1) Dugovanja preduzeća KJKP "GRAS" prema Upravi za indirektno oporezivanje Bosne i Hercegovine (u daljem tekstu:Uprava za indirektno oporezivanje) u približnom iznosu od cca 33.660.000,00 KM;
- 2) Dugovanja preduzeća KJKP "GRAS" po osnovu osnovnog duga prema Poreznoj upravi Federacije Bosne i Hercegovine (u daljem tekstu : Poreska uprava Federacije) u približnom iznosu od cca 90.440.000,00 KM;
- 3) Dugovanja preduzeća KJKP "GRAS" prema uposlenim radnicima preduzeća koji su tužili preduzeće zbog radnih sporova u skladu sa kolektivnim ugovorom za oblast komunalne privrede u približnom iznosu od cca 20.000.000,00 KM;
- 4) Rješavanje tužbi tužitelja KJKP "GRAS" protiv tuženog Kantona Sarajevo u iznosu većem od 300.000.000,00 KM.
- 5) Smanjivanje broja uposlenih i donošenja optimalne organizacione strukture preduzeća kroz restrukturiranje preduzeća;
- 6) Nedovoljan broj vozničkih jedinica, loše stanje tramvajske pruge, neadekvatan sistem naplate

karata i upravljanja javnim prevozom;

7) Nedovoljno planiranje sredstva u Budžetu Kantona Sarajevo za prevoz subvencioniranih kategorija korisnika i pokriće gubitaka iz prethodnih godina;

8) Problem nepostojanja generalne licence prevoznika koju KJKP "GRAS" ne može produžiti zbog dugovanja za poreze i doprinose.

U čl. 3. i 4. Sporazuma su utvrđene obaveze sporazumnih strana i to KJKP "GRAS" se obavezuje da će :

1) Postići sporazum sa radnicima preduzeća koji imaju tužbe prema preduzeću na način da se zaključi sporazum o isplati obaveze osnovnog duga na rate i uz uslov da radnici odustanu od svojih potraživanja za kamate;

2) Povući sve tužbe koje su pokrenute od strane KJKP "GRAS" protiv Kantona Sarajevo uz izjavu da nepostoji mogućnost ponovnog pokretanja tužbe po istom osnovu;

3) Uprava preduzeća i Sindikat uposlenika će pristati na bezuslovno provođenje restrukturiranja preduzeća KJKP "GRAS" kroz smanjivanje broja uposlenih i donošenja optimalne organizacione strukture u skladu sa Zaključkom Skupštine Kantona Sarajevo broj: 01-05-25024/17 od 31.07.2017. godine kojom su utvrđene mjere za reorganizaciju i sanaciju KJKP "GRAS" i preporukama Studije o restrukturiranju preduzeća koja je urađena uz pomoć Britanske ambasade u Bosni i Hercegovini;

4) Obezbijediti podršku preduzeća i Sindikata uposlenika u realizaciji svih projekata investiranja u javni linijski prevoz putnika;

a Kantona Sarajevo se obavezuje da će :

1) Planirati dodatna sredstva u Budžetima Kantona Sarajevo za period 2021.-2030. godina za rješavanje dugovanja koja su navedena u čl. 2. Sporazuma u tač. 1), 2) i 3) u ukupnom iznosu od 150.000.000,00 KM, odnosno u minimalnom iznosu od 15.000.000,00 KM godišnje;

2) Investirati sredstva u kapitalne projekte iz oblasti javnog prevoza putnika u periodu 2021.-2025. godina u minimalnom iznosu od 110.000.000,00 EUR (210.514.130,00 KM);

3) Planirati redovna sredstva za subvencije javnog prevoza putnika (za prevoznike KJKP "GRAS" i Centrontrans Eurolines d.d. Sarajevo) i pokriće gubitka KJKP "GRAS" za period 2021.-2030. godina u minimalnom iznosu od 30.000.000,00 KM godišnje;

4) Planirati dodatna sredstva u Budžetu Kantona Sarajevo za 2020. godinu u minimalnom iznosu od 5.660.000,00 KM za izmirenje dijela obaveza prema Upravi za indirektno oporezivanje Bosne Hercegovine po tužbama radnika zbog radnih sporova.

U čl. 5. - 12. Sporazuma su definisani načini realizacije sporazumnih obaveza. Mišljenja svih institucija koje su uključene u provođenje ovog sporazuma su sastavni dio ovog materijala.

U smislu svega navedenog , a shodno odredbama člana 8. Zakona o imovini Kantona Sarajevo („Sl.novine Kantona Sarajevo“, br. 6/97, 9/98, 5/10 i 27/16) predlaže se Skupštini Kantona Sarajevo da donese odluku u predloženom tekstu.

Kanton Sarajevo Vlada Kantona Sarajevo, koju zastupa Premijer Mario Nenadić

i

KJKP „GRAS“ d.o.o. Sarajevo, kojeg zastupa V.D. direktor Almir Ahmetspahić
saglasni su da zaključe

SPORAZUM **o rješavanju problema u poslovanju preduzeća KJKP “GRAS” D.O.O.Sarajevo**

PREDMET SPORAZUMA

Član 1.

Predmet ovoga Sporazma je utvrđivanje međusobnih prava i obaveza potpisnica sporazuma u cilju rješavanje problema u poslovanju KJKP “GRAS” d.o.o. Sarajevo (u daljem tekstu:KJKP “GRAS”).

PROBLEMI U POSLOVANJU PREDUZEĆA

Član 2.

Strane potpisnice su saglasne da su najveći problemi u poslovanju KJKP “GRAS” koji su nastali u prethodnom periodu i koji ugrožavaju poslovanje ovog preduzeća čiji je vlasnik i osnivač Kanton Sarajevo te obavljanje komunalne djelatnosti javnog linijskog prevoza putnika u Kantonu Sarajevo kao komunalne djelatnosti od javnog interesa:

- 1) Dugovanja preduzeća KJKP “GRAS” prema Upravi za indirektno oporezivanje Bosne i Hercegovine (u daljem tekstu:Uprava za indirektno oporezivanje) u približnom iznosu od cca 33.000.000,00 KM;
- 2) Dugovanja preduzeća KJKP “GRAS” po osnovu osnovnog duga prema Poreznoj upravi Federacije Bosne i Hercegovine (u daljem tekstu : Poreska uprava Federacije) u približnom iznosu od cca 92.000.000,00 KM;
- 3) Dugovanja preduzeća KJKP “GRAS” prema uposlenim radnicima preduzeća koji su tužili preduzeće zbog radnih sporova u skladu sa kolektivnim ugovorom za oblast komunalne privrede u približnom iznosu od cca 15.000.000,00 KM;
- 4) Rješavanje tužbi tužitelja KJKP “GRAS” protiv tuženog Kantona Sarajevo u iznosu većem od 300.000.000,00 KM.
- 5) Smanjivanje broja uposlenih i donošenja optimalne organizacione strukture preduzeća kroz restrukturiranje preduzeća;
- 6) Nedovoljan broj vozniha jedinica, loše stanje tramvajske pruge, neadekvatan sistem naplate karata i

upravljanja javnim prevozom;

7) Nedovoljno planiranje sredstva u Budžetu Kantona Sarajevo za prevoz subvencioniranih kategorija korisnika i pokriće gubitaka iz prethodnih godina;

8) Problem nepostojanja generalne licence prevoznika koju KJKP "GRAS" ne može produžiti zbog dugovanja za poreze i doprinose.

OBAVEZE STRANA POTPISNICA

Član 3.

KJKP "GRAS" se obavezuje da će :

1) U saradnji sa advokatima koji zastupaju radnike u radnim sporovima i sindikatom uposlenika uložiti maksimalne napore za postizanje sporazuma sa radnicima preduzeća koji imaju tužbe prema preduzeću na način da KJKP "GRAS" zaključi sporazum o isplati obaveze osnovnog duga tužbe u periodu od 5 godina od dana postizanja sporazuma i uz uslov da radnici odustanu od svojih potraživanja za kamate. Rok za realizaciju obaveze postizanje sporazuma sa radnicima je 60 dana od dana potpisivanja ovoga sporazuma;

2) Odeći se svih tužbenih zahtjeva protiv Kantona Sarajevo, odnosno povući sve tužbe koje su pokrenute od strane KJKP "GRAS" protiv Kantona Sarajevo uz izjavu da nepostoji mogućnost ponovnog pokretanja tužbe po istom osnovu. Rok za realizaciju ove obaveze je 7 dana od dana potpisivanja ovoga sporazuma;

3) Uprava preduzeća i Sindikat uposlenika će pristati na безусловno provođenje restrukturiranja preduzeća KJKP "GRAS" kroz smanjivanje broja uposlenih i donošenja optimalne organizacione strukture u skladu sa preporukama studije o restrukturiranju preduzeća koja je urađena uz pomoć Britanske ambasade u Bosni i Hercegovini. Rok za realizaciju ove obaveze je 60 dana od dana potpisivanja ovog sporazuma;

4) Obezbijediti podršku uprave preduzeća i sindikata uposlenika u realizaciji svih projekata

investiranja u javni linijski prevoz putnika;

Član 4.

Kantona Sarajevo se obavezuje da će:

1) Osigurati dodatna sredstva u Budžetima Kantona Sarajevo za period 2021.-2030. godina za rješavanje dugovanja koja su navedena u članu 2. Sporazuma u tač. 1), 2) i 3) u ukupnom iznosu od 140.000.000,00 KM, odnosno u minimalnom iznosu od 14.000.000,00 KM godišnje;

2) Investirati sredstva u kapitalne projekte iz oblasti javnog prevoza putnika u periodu 2021.-2025. godina u minimalnom iznosu od 200.000.000,00 KM;

3) Planirati redovna sredstva za subvencije javnog prevoza putnika i pokriće gubitka KJKP "GRAS" za period 2021.-2030. godina u minimalnom iznosu od 30.000.000,00 KM godišnje;

4) Planirati dodatna sredstva u Budžetu Kantona Sarajevo za 2020. godinu u minimalnom iznosu od 3.000.000,00 KM za izmirenje dijela obaveza prema Upravi za indirektno oporezivanje Bosne Hercegovine i u minimalnom iznosu od 2.000.000,00 KM za izmirenje dijela obaveza po tužbama radnika po sporazumu za koje se vodi postupak izvršenja pred Općinskim sudom u Sarajevu.

NAČIN REALIZACIJE SPORAZUMNIH OBAVEZA

Član 5.

Rješenje duga prema Upravi za indirektno oporezivanje u približnom iznosu od cca 33.000.000,00 KM će se realizovati na način da će se odmah nakon planiranja dodatnih sredstva u Budžetu Kantona Sarajevo za 2020. godinu isplatiti dio duga prema Upravi za indirektno oporezivanje u iznosu od približno 3.000.000,00 KM a koji se odnosi na postupak izvršenja koji se vodi pred nadležnim sudom u Sarajevu, dok će se za preostali dug u iznosu od približno 30.000.000,00 KM, nakon potpisivanja ovoga Sporazuma, a na osnovu kojeg će Kanton Sarajevo preuzeti obavezu obezbjeđivanja sredstva u Budžetima Kantona Sarajevo u periodu 2021.-2023. godina, za obaveze KJKP "GRAS" prema Upravi za indirektno oporezivanje KJKP "GRAS" potpisati sporazum sa Upravom za indirektno oporezivanje BiH o reprogramiranju duga odnosno plaćanje duga u 36 rata na tri godine uz obezbjeđenje imovine kao garancija da će dug biti namiren u vidu bankovne garancije ili zaloga na imovini dužnika ili garanciju trećeg lica odnosno zajedničku garanciju trećeg lica i dužnika.

Obzirom da se dug prema Upravi za indirektno oporezivanje izmiruje prema redosljedu dospjeća što podrazumjeva da se prvobitno namiruje najstariji dug potrebno je u iznos dugovanja uračunati da će kamate na glavni dug teći sve do dana otplate kompletnog duga prema Upravi za indirektno oporezivanje.

Član 6.

Rješenje osnovnog duga prema Poreznoj upravi Federacije Bosne i Hercegovine u približnom iznosu od 92.000.000,00 KM će se realizovati na način da se postigne sporazum između Porezne uprave Federacije i KJKP "GRAS" o plaćanju duga u skladu sa dinamikom plaćanja koja odgovara dužniku. Kanton Sarajevo će pomoći KJKP "GRAS" da postigne sporazum i da izmiruje obaveze sa Poreznom upravom FBiH na način da se postigne sporazum kojim bi se odgodilo plaćanje obaveza iz prethodnog perioda za maksimalan period, a nakon isteka toga perioda da se postigne sporazum o izmirivanju obaveza na period od 10 godina.

Sredstva koja bi Kanton Sarajevo osigurao u Budžetima Kantona Sarajevo za period 2021.-2030. godina bi se koristila za plaćanje ovih obaveza u skladu sa dinamikom mogućeg izmirenja obaveza. Izmirenje ovih obaveza bi se uglavnom izvršavalo u periodu od 2024.-2030. godine nakon izmirenja obaveza prema Upravi za indirektno oporezivanje i dijela obaveza prema radnicima.

Izmirenje osnovnog duga prema Poreznoj upravi Federacije BiH bi trebalo omogućiti pokretanje procedure za otpis obaveza KJKP GRAS po osnovu kamata i troškova prinudne naplate.

Član 7.

Rješavanje duga KJKP "GRAS" prema uposlenim radnicima preduzeća koji su tužili preduzeće zbog radnih sporova u skladu sa kolektivnim ugovorom za oblast komunalne privrede u maksimalnom iznosu do 15.000.000,00 KM bi se realizovao na način da KJKP "GRAS" u saradnji sa

advokatima radnika koji zastupaju radnike u radnim sporovima i sindikatom uposlenika uloži maksimalne napore za postizanje sporazuma sa radnicima preduzeća koji imaju tužbe prema preduzeću na način da se zaključi sporazum kojim bi radnici odustali od svojih potraživanja za kamate i po kojem bi se obaveze po osnovnom dugu prema radnicima izmirile u periodu od 5 godina.

Kanton Sarajevo će obezbjediti sredstva u iznosu od 2.000.000,00 KM za isplatu dijela potraživanja prema radnicima u ovoj godini, dok bi se za preostali iznos potraživanja planirala sredstva u Budžetima Kantona Sarajevo u periodu od 2021.-2025. godine usklađeno sa dinamikom izmirenja obaveza prema Upravi za indirektno oporezivanje BiH i Poreznoj upravi Federacije BiH čime bi potraživanja radnika u iznosu od 15.000.000,00 KM bila izmirena u periodu od 5 godina od dana potpisivanja ovog sporazuma.

Član 8.

Rješavanje tužbi tužitelja KJKP "GRAS" protiv tuženog Kantona Sarajevo će se realizovati na način da će KJKP "GRAS" odreći od tužbenog zahtjeva odnosno podnijeti odgovarajuće izjave sudu o povlačenju svih tužbi koje su pokrenute od strane KJKP "GRAS" protiv Kantona Sarajevo uz izjavu da nepostoji mogućnost tužbe po istom osnovu i to sve u roku od 7 dana od postizanja ovoga Sporazuma.

Član 9.

Restruktuiranje preduzeća KJKP "GRAS" kroz smanjivanje broja uposlenih i donošenja optimalne organizacione strukture u skladu sa preporukama Studije o restrukturiranju preduzeća koja je urađena uz pomoć Britanske ambasade u Bosni i Hercegovini, će se realizovati na način da će uprava KJKP "GRAS" uz безусловnu saglasnost Sindikata pripremiti novu organizacionu strukturu preduzeća sa sistematizacijom radnih mjesta, te planom smanjivanja ukupnog broja uposlenih koji će uključivati i program zbrinjavanja viška uposlenih u preduzeću i to sve u roku od 60 dana od dana potpisivanja ovog sporazuma.

Član 10.

Investiranje Kantona Sarajevo u javni linijski prevoz putnika kroz rekonstrukciju postojeće tramvajske pruge, nabavku novih vozila za javno preduzeća KJKP "GRAS", rekonstrukciju i izgradnju mreže na postojećim i novim linijama, te uvođenje elektronskog sistema naplate karata za potrebe javnog prevoza putnika će se realizovati na način da će Kanton Sarajevo planirati sredstva za realizaciju projekata i implementirati projekte u saradnji sa KJKP "GRAS" u periodu od 2021.-2025. godine.

Član 11.

Planiranja sredstava u Budžetu Kantona Sarajevo za prevoz subvencioniranih kategorija korisnika i pokriće gubitaka će se realizovati na način da će Kanton Sarajevo ovim Sporazumom preuzeti obavezu osiguranja sredstava za ove svrhe za period 2021.-2030. godina u minimalnom iznosu od 30.000.000,00 KM godišnje.

Član 12.

Nakon postizanja sporazuma sa Upravom za indirektno oporezivanje i Poreznom upravom Federacije, KJKP "GRAS" će steći status preduzeća koje izmiruje reprogramirane obaveze, na osnovu čega stiče uslove za produženje generalne licence prevoznika.

VREMENSKO VAŽENJE SPORAZUMA

Član 13.

Strane potpisnice su saglasne da ovaj Sporazum važi od dana potpisivanja pa sve do ispunjenja preuzetih obaveza ovim Sporazumom i preuzetih obaveza po osnovu zaključenih posebnih sporazuma.

ZAVRŠNE ODREDBE

Član 14.

Strane potpisnice su saglasne da sve eventualne sporove rješavaju mirnim putem, a u protivnom je nadležan sud u Sarajevu.

Član 15.

Sporazum stupa na snagu danom potpisivanja od strane ovlaštenih lica potpisnika sporazuma.

Član 16.

Ovaj Sporazum je sačinjen u 6 (šest) jednakih primjeraka od kojih svaka strana potpisnica zadržava po 3 (tri) primjerka.

KJKP „GRAS“ d.o.o. Sarajevo

KANTON SARAJEVO

Vlada Kantona Sarajevo

Almir Ahmetpahić

Mario Nenadić

Broj: _____

Sarajevo, _____

Broj: _____

Sarajevo, _____



KANTONALNO JAVNO
KOMUNALNO PREDUZEĆE
GRADSKI SAOBRAĆAJ
d.o.o. S A R A J E V O
71000 Sarajevo, Srđana Aleksića 1



Općinski sud u Sarajevu UF/1 - 2438/05
Identifikacioni broj 4200055640002
PDV broj 200055640002
Poreski broj 01632095
Šifra djelatnosti 60212
Telefon: 033 / 293-333 Fax: 033 / 452-186

11301

10381

Broj:

12719

Datum: 23 -09- 2020

23-09-2020
04 11 36498-6/20

Bosna i Hercegovina
Federacija BiH
Kanton Sarajevo

MINISTARTVO SAOBRAĆAJA
Za VLADU KANTONA SARAJEVO

PREDMET: Sugestije i primjedbe KJKP „ GRAS“ d.o.o Sarajevo na Sporazum o rješavanju problema u poslovanju KJKP „ GRAS“ d.o.o Sarajevo

Poštovani !

Na Sporazum o rješavanju problema u poslovanju KJKP „ GRAS“ d.o.o Sarajevo (u daljem tekstu: Sporazum) dostavljen od Vlade Kantona Sarajevo putem Ministarsva saobraćaja kao Prilog aktu broj: 04-11-36498/20 od 21.09.2020 godine – Zahtjev za Mišljenje o Sporazum o rješavanju problema u poslovanju KJKP „ GRAS“ d.o.o Sarajevo, KJKP „ GRAS“ d.o.o daje sljedeće sugestije i primjedbe :

U Članu 3.

- **Tačka 1)** trebala bi da glasi: „ da će ovlašteni advokat radnika u radnim sporovima, Sindikat i Uprava preduzeća uložiti maksimalne napore da što više radnika odustane od potraživanja po osnovu kamata po tužbama iz radnih sporova „
(**Obrazloženje** : kako se radi o pojedinačnim tužbama radnika te odustajanje od kamata po osnovu tužbi isključivo zavisi od volje radnika tako da se preduzeće ne može obavezati da će svi radnici odustati od kamata po tužbama iz radnih sporova)
- **Tačka 2)** u nastavku teksta staviti zarez i dodati riječi „ u periodu važenja ovog Sporazuma.“
- **Tačka 3)** u ovoj tački brisati riječi „ Zaključkom Skupštine Kantona Sarajevo broj: 01-05-25024/17 od 31.07.2017 godine kojom su utvrđene mjere za reorganizaciju i sanaciju KJKP“ GRAS“ i „
(**Obrazloženje:** u gore navedenom Zaključku Skupštine Kantona Sarajevo su mjere i zadaci koje je bio dužan da provede privremeni upravitelj KJKP „ GRAS“ d.o.o Sarajevo i iste više ne važe – rok za realizaciju svih tačaka navedenog Zaključaka je bio 90 dana)- Isto primjeniti i u članu 9.Sporazuma

Transakcijski računi: Intesa Sanpaolo banka Sarajevo

1540012000237552

Raiffeisen bank Sarajevo 1610000033890065
Sparkasse bank Sarajevo 1990490005037063
UNI Credit bank Sarajevo 3383202251291827
Turkish bank 1860001048034002

Union banka Sarajevo 1020440000004172
Hypo Alpe-Adria bank Sarajevo 3060510000013088
Vakufska banka Sarajevo 1602000000035331
NLB Tuzlanska banka 1322602007868015

U Članu 4.

- **Tačka 3)** brisati riječi u zagradi " za prevoznika KJKP „ GRAS“ i Centrotrans Eurolines d.d. Sarajevo“ a na kraju rečenice staviti zarez i dodati riječi „ u skladu sa odredbama Zakona o komunalnim djelatnostima (Službene novine Kantona Sarajevo broj: 14/16)“

Član 8. – brisati obzirom da je već članom 3. stav 2. propisano, odnosno zaključenjem sudske nagodbe smatrat će se da su sporovi okončani

U članu 13.

Dodati stav (2) koji glasi“ Sporazum će se zaključiti uz prethodnu saglasnost Skupštine Kantona Sarajevo i to u vidu sudske nagodbe u parničnom postupku u predmetima broj: 65 0 Ps 441813 14 Ps i 65 0 Ps 852980 20 Ps, a koji Sporazum će imati i snagu izvršne isprave.“

(Obrazloženje – pravna garancija za povlačenje tužbi KJKP " GRAS" d.o.o Sarajevo protiv Kantona Sarajevo, radi naknade štete)

U Članu 14.

U Članu 14. dodati stav 1. koji glasi „ Sporazumne strane su saglasne da je tužbeni zahtjev KJKP „ GRAS“ d.o.o Sarajevo prema Kantonu Sarajevo za naknadu štete opravdan te su iz tog razloga pristupile zaključivanju ovog Sporazuma.

S poštovanjem!

KJKP „ GRAS“ d.o.o Sarajevo

V.D. Generalnog direktora

Mr.sc. **Amir Ahmetspahić**



SEKTOR ZA POSLOVNE USLUGE

Broj: 02/5 -17-4-2052-1 /20Banja Luka, 22.09., 2020. godine

KANTON SARAJEVO

MINISTARSTVO SAOBRAĆAJA

Reisa Džemaludina Čauševića 1, Sarajevo

Bosna i Hercegovina
Republika Bosna i Hercegovina
KANTON SARAJEVO

Organizaciona jedinica	Službena oznaka	Redni broj	Proj. broj
04	11	36498	5

23-09-2020

PREDMET: Informacija, dostavlja se

VEZA: Vaš akt broj 04-11-36498/20 od 21.09.2020. godine

Dana 21.09.2020. godine, u rasporedu službene pošte Sektor za poslovne usluge zaprimio je Vaš akt broj i datum veze, naslovljen kao *Zahtjev za Mišljenje o Sporazumu o rješavanju problema u poslovanju preduzeća KJKP GRAS doo Sarajevo*, u prilogu kojeg je dostavljen nacrt prijedloga Sporazuma, u kojem navodite da će, nakon dobijanja neophodnih mišljenja, sporazum biti upućen u daljnu proceduru usvajanja prema Vladi Kantona Sarajevo i Skupštini Kantona Sarajevo.

Shodno navedenom, obavještavamo Vas da u dijelu sporazuma koji se odnosi na izmirenje duga po osnovu indirektnih poreza prema UIO, na način kako je predloženo i to da se plaćanjem izmiri dug za koji se vodi izvršni postupak pred Općinskim sudom u Sarajevu (oko 3.660.000,00 KM) a za ostatak duga (oko 30.000.000,00 KM) započne postupak po zahtjevu dužnika za plaćanje duga u ratama, nemamo primjedbi, obzirom da je isti propisan u skladu sa važećim pravnim propisima u vezi sa postupkom prinudne naplate.

Naime, odredbama članova 23.-29. Pravilnika o provođenju postupka prinudne naplate indirektnih poreza ("Službeni glasnik BiH" broj 35/20) propisan je postupak po kojem se na zahtjev stranke pokreće postupak plaćanja duga u ratama ili odgođenog plaćanja kao i sredstva obezbjeđenja plaćanja i to sveobuhvatna garancija banke ili druge finansijske institucije ili, ukoliko iz opravdanih razloga dužnik nije u mogućnosti obezbjediti navedenu garanciju, Uprava za indirektno oporezivanje, može prihvatiti i druga sredstva osiguranja plaćanja duga i to ugovornu hipoteku, zalog sa ili bez izmještanja pokretne imovine ili garanciju trećeg lica odnosno zajedničku garanciju trećeg lica i dužnika.

U tom kontekstu, ispravke u prijedlogu Sporazuma, u smislu korištenja termina koji su propisani važećim propisima u vezi sa indirektnim oporezivanjem, dostavit ćemo elektronskim putem.

S poštovanjem,

Dostaviti:

1. Naslovu
2. 02/5
3. 02/6-2/II
4. a/a



POMOĆNIK DIREKTORA

Dr. ELVIR MUMINOVIĆ

Broj: 13/08-02-3-1250/20 M.H./F.Č.

Datum: 23.09.2020. godine

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO SAOBRAĆAJA**

**71000 SARAJEVO
Reisa Džemaludina Čauševića 1**

PREDMET: Odgovor, dostavlja se

Veza - vaš broj: 04-11-36498/20 od 21.09.2020. godine

Poreznoj upravi Federacije BiH - Središnji ured, dana 21.09.2020. godine, obratili ste se zahtjevom za mišljenje o Sporazumu o rješavanju problema u poslovanju preduzeća KJKP „GRAS“ d.o.o. Sarajevo (u daljem tekstu „Sporazum“), broj i datum kao u vezi, te navodite da će se nakon dobijanja svih potrebnih Mišljenja prijedlog Sporazuma uputiti u daljnju proceduru usvajanja prema Vladi Kantona Sarajevo i Skupštini Kantona Sarajevo.

U vezi sa navedenim Zahtjevom ističemo da je Porezna uprava Federacije BiH, kao organ uprave u sastavu Federalnog ministarstva financija-finansija, nadležna za primjenu Zakona o Poreznoj upravi Federacije BiH („Službene novine Federacije BiH“, broj: 33/02, 28/04, 57/09, 40/10, 27/12, 7/13, 71/14 i 91/15) i drugih poreznih zakona i podzakonskih akata iz oblasti svih vrsta federalnih, kantonalnih, gradskih i općinskih poreza i doprinosa, taksí, posebnih naknada, članarina turističkih zajednica, članarina obrtničkih komora i novčanih kazni za porezne prekršaje.

Nadalje, Porezna uprava Federacije BiH je, prema članu 96. Zakona o Poreznoj upravi Federacije BiH, dužna na zahtjev poreznih obveznika davati mišljenja i odgovore na pitanja u vezi sa primjenom propisa kojima se reguliraju porezi, doprinosi i takse, a za čiju naplatu i kontrolu je nadležna.

Slijedom navedenog, a u vezi sa dostavljenim prijedlogom Sporazuma, odnosno u vezi sa članom 6. Sporazuma, koji tretira način izmirenja poreznih obaveza po osnovu direktnih poreza, ukazujemo na sljedeće:

Prema odredbama člana 57. Zakona o Poreznoj upravi Federacije BiH, rok za izmirenje porezne obaveze u postupku prinudne naplate može da se produži pod sljedećim uslovima:

- ako porezni obveznik nema dovoljno sredstava da odmah u cijelosti izmiri poreznu obavezu i
- ako porezni obveznik nije u mogućnosti da posudi sredstva da bi odmah izmirio poreznu obavezu u cijelosti.

Ukoliko su ispunjeni navedeni uslovi i porezni obveznik predoči relevantne finansijske informacije, i u nekim slučajevima i garancije za plaćanje, tada se između Porezne uprave i poreznog obveznika zaključuje pisani sporazum o izmirenju porezne obaveze odgođenim plaćanjem ili plaćanjem u ratama.

Pri tome porezni obveznik je dužan da sve poreze koji nastanu za vrijeme produženja roka uplate plaća u potpunosti i na vrijeme. Neplaćanje svih tekućih poreznih obaveza dovodi do poništenja sporazuma.

Ovaj član Zakona je detaljnije pojašnjen Pravilnikom o procedurama prinudne naplate poreznih obaveza („Službene novine Federacije BiH”, broj: 50/02, 54/03, 31/11, 38/16 i 69/17), i prema odredbama člana 47. navedenog Pravilnika direktor Porezne uprave Federacije BiH može odobriti da plaćanje duga bude odgođeno ili da se vrši u ratama i to za **period ne duži od 10 (deset) godina.**

Iz navedenog proizilazi da porezni obveznik KJKP „GRAS” d.o.o. Sarajevo može podnijeti molbu za odgođeno plaćanje poreznih obaveza u skladu sa članom 48. Pravilnika, za porezne obaveze za koje je pokrenut postupak prinudne naplate, na period ne duži od 10 godina, te uz molbu dostaviti dokumente koji sadrže garanciju za plaćanje duga ili dogovarajuće objašnjenje o tome zašto dužnik ne može podnijeti garanciju.

Što se tiče otpisa zateznih kamata, ukazujemo da je Zakon o visini stope zatezne kamate na javne prihode („Službene novine Federacije BiH”, broj: 48/01, 52/01, 42/06, 28/13, 66/14, 86/15, 34/18 i 99/19), kojim se propisuje visina stope zatezne kamate na javne prihode koji nisu plaćani u zakonom propisanom roku, temporalnog karaktera.

Nalme, odredbama člana 2. stav (2) Zakona kojim je propisano da se zatezne kamate, koje su nastale po osnovu dospjelih, prijavljenih a nenaplaćenih javnih prihoda sa stanjem na dan 31.12.2016. godine, otpisuju u visini propisanoj ovim Zakonom, pod uslovima da porezni obveznik svoje obaveze po osnovu glavnog duga izmiri najkasnije do 31.12.2020. godine.

Prema odredbama člana 2b. navedenog Zakona pravo na otpis kamata na obaveze po osnovu javnih prihoda iz člana 2. stav (2) ovog Zakona, kao i za nenaplaćene porezne obaveze (glavni dug) za čiju naplatu je pokrenut postupak prinudne naplate, ostvaruje se na osnovu zahtjeva za otpis kamata Obrazac – ZAOK, koji podnosi porezni obveznik nadležnoj organizacionoj jedinici Porezne uprave Federacije Bosne i Hercegovine. Pri tome, otpis kamata za glavni dug ne isključuje obaveznu plaćanja obračunatih troškova prinudne naplate.

Dakle, prema trenutno važećim zakonskim propisima, za obaveze po osnovu javnih prihoda, koje su dospjele i prijavljene i koje se odnose na period do 31.12.2016. godine, bez obzira da li je za iste pokrenut postupak prinudne naplate ili ne, **neplaćene zatezne kamate mogu u cijelosti otpisati pod uslovom da se glavni dug koji se odnosi na period do 31.12.2016. godine u cijelosti izmiri najkasnije do 31.12.2020. godine, a za troškove postupka prinudne naplate nije predviđena mogućnost otpisa obaveza.**

Shodno navedenom, mišljenja smo da član 6. Sporazuma treba uskladiti sa zakonskim i podzakonskim propisima kojima se reguliše predmetno prije upućivanja u daljnju proceduru usvajanja.

S poštovanjem,

Dostavljeno:

1. Naslovu
2. U spisu
3. a/a

DIREKTOR

Mr. sci. Serif Isović



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-03-11-36498/20 A.Z.
Sarajevo, 23.09.2020. godine

**MINISTARSTVO SAOBRAĆAJA
KANTONA SARAJEVO**

Predmet: Mišljenje na Prijedlog zaključka o utvrđivanju Odluke o davanju saglasnosti na Prijedlog sporazuma o rješavanju problema u poslovanju preduzeća KJKP „GRAS“ d.o.o. Sarajevo kao i Prijedlog odluke o davanju saglasnosti na Prijedlog sporazuma o rješavanju problema u poslovanju preduzeća KJKP „GRAS“ d.o.o. Sarajevo

Veza: Vaš dopis, broj: 04-11-36498/20 od 21.09.2020. godine

Vezano za Vaš zahtjev za mišljenje na Prijedlog zaključka o utvrđivanju Odluke o davanju saglasnosti na Prijedlog sporazuma o rješavanju problema u poslovanju preduzeća KJKP „GRAS“ d.o.o. Sarajevo kao i Prijedlog odluke o davanju saglasnosti na Prijedlog sporazuma o rješavanju problema u poslovanju preduzeća KJKP „GRAS“ d.o.o. Sarajevo, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj 34/16 i 15/18), dajemo sljedeće m i š l j e n j e:

Ministarstvo saobraćaja je postupilo u skladu sa navedenim Pravilnikom i Ministarstvu finansija uz Prijedlog zaključka i Prijedlog odluke dostavilo na mišljenje popunjen i potpisan obrazac IFP-DA u kojem je dato sljedeće obrazloženje promjena u rashodima i izdacima: „Provođenjem ovog zaključka stvara se dodatna obaveza po Budžet Kantona Sarajevo u 2020. godini u iznosu od 5.660.000,00 KM i u Budžetima Kantona Sarajevo u periodu od 2021.-2030. godine u ukupnom iznosu od 15.000.000,00 KM godišnje odnosno u ukupnom iznosu od 150.000.000,00 KM za period od narednih 10 godina.

Sredstva za provođenje ovog zaključka u 2020. godini u ukupnom iznosu od 5.660.000,00 KM je obezbjeđena preraspodjelom sredstava sa razdjela Ministarstva kulture i sporta u iznosu od 130.000,00 KM, Ministarstva za boračka pitanja u iznosu od 320.000,00 KM, Ministarstva privrede u iznosu od 400.000,00 KM, Ministarstva finansija u iznosu od 500.000,00 KM, Ministarstva zdravstva u iznosu od 280.000,00 KM, Ministarstva komunalne privrede i infrastrukture u iznosu od 100.000,00 KM, Ministarstva za rad, socijalnu politiku, raseljena lica i izbjeglice u iznosu od 500.000,00 KM i Ministarstva saobraćaja u iznosu od 3.340.000,00 KM.

U budžetima za narednih 10 godina potrebno je planirati dodatna sredstva u iznosu od 150.000.000,00 KM za provođenje ovog Zaključka. Potrebno je u DOB-u za period 2021-2023. godina povećati budžetsko ograničenje za iznos od 15.000.000,00 KM godišnje. Za isti iznos potrebno je umanjiti budžetsko ograničenje drugih budžetskih korisnika u istom iznosu.“



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



U obrazloženju Zahtjeva za mišljenje navedeno je da se, u sklopu sporazuma o rješavanju problema u poslovanju preduzeća KJKP „GRAS“ d.o.o. Sarajevo, Kanton Sarajevo obavezuje da će:

- 1) Planirati dodatna sredstva u Budžetima Kantona Sarajevo za period 2021.-2030. godina za rješavanje dugovanja koja su navedena u članu 2. Sporazuma u tačkama 1), 2) i 3) u ukupnom iznosu od 150.000.000,00 KM, odnosno u minimalnom iznosu od 15.000.000,00 KM godišnje;
- 2) Investirati sredstva u kapitalne projekte iz oblasti javnog prevoza putnika u periodu 2021.-2025. godina u minimalnom iznosu od 110.000.000,00 EUR (210.514.130,00 KM);
- 3) Planirati redovna sredstva za subvencije javnog prevoza putnika (za prevoznike KJKP „GRAS“ i Centrottrans Eurolines d.d. Sarajevo) i pokriće gubitka KJKP „GRAS“ za period 2021.-2030. godina u minimalnom iznosu od 30.000.000,00 KM godišnje;
- 4) Planirati dodatna sredstva u Budžetu Kantona Sarajevo za 2020. godinu u minimalnom iznosu od 5.660.000,00 KM za izmirenje dijela obaveza prema Upravi za indirektno oporezivanje Bosne i Hercegovine po tužbama radnika zbog radnih sporova.

Obzirom da su za implementaciju Zaključka o utvrđivanju Odluke o davanju saglasnosti na Prijedlog sporazuma o rješavanju problema u poslovanju preduzeća KJKP „GRAS“ d.o.o. Sarajevo potrebna dodatna sredstva u tekućoj godini u iznosu 5.660.000,00 KM i dodatna sredstva u iznosu 15.000.000,00 KM godišnje u narednih 10 godina (od 2021. do 2030. godine), Ministarstvo finansija predlaže da se u okviru fiskalnih kapaciteta Kantona Sarajevo u narednim godinama obezbijede finansijska sredstva, a nakon usvajanja ovog zaključka od strane Vlade Kantona Sarajevo i donošenja Odluke o davanju saglasnosti na Prijedlog Sporazuma o rješavanju problema u poslovanju KJKP „GRAS“ d.o.o. Sarajevo od strane Skupštine Kantona Sarajevo.

Ovo mišljenje je dato u skladu sa odredbama Prijedloga zaključka i Prijedloga odluke koji se obrađuju i podataka navedenih u Obrascu IFP-DA Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.



MINISTAR/
Prof. dr. Jasmin Halebić

Dostaviti:

1. Naslovu
2. MF – Sektor za budžet i fiskalni sistem
3. a/a

Pripremili: Alma Zildžić, mr. oec.

Nihad Kurtić, BA menadžer

Kontrolisala: Amina Močević, mr. oec.



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



USTAV KANTONA SARAJEVO

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

**ZAKON
O IMOVINI KANTONA SARAJEVO**

Član 1.

Ovim zakonom utvrđuje se imovina Kantona Sarajevo (u daljnjem tekstu: Kanton), preuzimanje, bilan sličenja, upravljanje i raspolaganja imovinom i druga pitanja koja su u vezi sa imovinom Kantona.

Član 2.

Kanton je pravni sledbenik Grada Sarajeva (u daljnjem tekstu: Grad) u imovini i imovinskim pravima, u skladu sa Zakonom o područjima općina SR BiH ("Službene list SR BiH", br. 47/62, 6/65, 11/66, 23/67, 37/68, 35/77, 31/78, 22/80, 33/90, 8/91 i 32/91).

Član 3.

Kanton preuzima sva prava i obaveze Grada koje proističu iz imovinsko-pravnih odnosa.

Član 4.

Kanton u potpunosti preuzima imovinu Grada na području Kantona, kao i na drugim područjima gdje je Grad posedovao imovinu.

Član 5.

Imovinu Kantona, pored imovine stečene preuzimanjem u smislu odredaba čl. 2, 3, i 4. ovog zakona, čini pokretna i nepokretna imovina, prava i novčana sredstva stečena kupovinom ili na drugi način u skladu sa zakonima Bosne i Hercegovine i Federacije Bosne i Hercegovine.

Član 6.

Kanton je vlasnik imovine na području Kantona i to:

1. prirodni bogatstva i dobara u općoj upotrebi;

2. nekretnina na kojima pravo korištenja i upravljanja imaju mjesne zajednice, udruženja građana i političke organizacije, izuzev sredstava koja su u zajednice i organizacije pribavile iz drugih izvora osim budžetnih sredstava za finansiranje zajedničkih potreba, donacija društvenih pravnih lica i samodoprinosa građana;

3. nekretnina na području Kantona koje su izgrađene ili po drugom osnovu stečene iz sredstava budžeta, sredstava za finansiranje zajedničkih potreba, te sredstava samodoprinosa građana i donacija, kao i imovine koja je stečena i po drugim osnovama, bez obzira da li se kod društvenog pravnog lica kao korisnika vode u poslovnoj knjigama odnosno da li su upisane u zemljišne knjige;

4. društvenog kapitala iskazanog u bilansima stanja pravnih lica na dan 31. decembra 1991. godine, odnosno stanja utvrđenih nakon revizije.

Član 7.

Kanton vrši ovlaštenja i obaveze vlasnika po osnovu društvenog kapitala prema preduzećima i ustanovama kojima u cjelini ili djelimično imaju društveni kapital, u skladu sa zakonom, osim preduzeća i ustanova nad kojima ovlaštenje i obaveze vlasnika vrše nadležni organi Federacije.

Član 8.

Imovinom Kantona upravlja Skupština Kantona Sarajevo (u daljnjem tekstu: Skupština).

Predsjednik Kantona i Vlada Kantona mogu raspolagati imovinom u okviru ovlaštenja koja im Skupština prenese posebnim propisom.

Član 9.

Skupština može posebnim propisom prenijeti prava vlasništva na druga pravná lica, u skladu sa zakonom.

Član 10.

Vlada Kantona posebnim propisom uredit će način identifikovanja imovine iz čl. 2, 3, 4, 5, 6, i 7. ovog zakona i odrediti organe za njegovo provođenje.

Propis iz prethodnog stava Vlada Kantona će donijeti u roku od 15 dana od dana donošenja ovog zakona.

Član 11.

Odredbe člana 6. ovog zakona primjenjivat će se do donošenja zakona Federacije Bosne i Hercegovine i dr. ave Bosne i Hercegovine.

Član 12.

Ovaj zakon stupa na snagu osmog dana od dana objavljivanja u Službenim novinama Kantona Sarajevo.

Broj 01/02-1297
3. aprila 1997. godine
Sarajevo

Predsjedavajući
Skupštine Kantona Sarajevo,
Mirsad Kebo, s. r.

Na osnovu člana 18. b) Ustava Kantona Sarajevo ("Službene novine Kantona Sarajevo", br. 1/96, 2/96 i 3/96) i člana 20. Zakona o Agenciji za privatizaciju ("Službene novine Federacije BiH", broj 18/96), Skupština Kantona Sarajevo, na sednici od 3. aprila 1997. godine, donijela je

ZAKON

O KANTONALNOJ AGENCIJI ZA PRIVATIZACIJU

I - OPĆE ODREDBE

Član 1.

Ovim zakonom osniva se Kantonalna agencija za privatizaciju (u daljnjem tekstu: Agencija), kao upravna organizacija Vlade Kantona, utvrđuje njen pravni položaj, sjedište, djelo knjig i nadležnost, upravljanje, rukovođenje i finansiranje.

II - PRAVNI POLOŽAJ I SJEDIŠTE AGENCIJE

Član 2.

Agencija ima svojstvo pravnog lica.

Agencija je specijalizovana upravna organizacija Vlade Kantona Sarajevo (u daljnjem tekstu: Vlada Kantona).

Član 3.

Sjedište Agencije je u Sarajevu.

III - DJELATNOST I NADLEŽNOST AGENCIJE

Član 4.

Djelatnost Agencije je obavljanje stručnih i drugih poslova koji se odnose na privatizaciju.

Član 5.

U okviru svoje djelatnosti Agencija vrši naročito:
- organizovanje i podsticanje privatizacije preduzeća na teritoriji Kantona;

- odobrava početne bilanse preduzeća u skladu sa metodologijom za pripremu preduzeća za privatizaciju;

Izvod iz zakona o komunalnim djelatnostima ("Sl. novine Kantona Sarajevo", br. 14/2016, 43/2016, 10/2017 - ispr., 19/2017, 20/2018 i 22/2019)

Član 5.

(Javni interes komunalne djelatnosti)

(1) Komunalne djelatnosti su od javnog interesa i obavljaju se kao javne službe.

(2) Pod pojmom javnog interesa u komunalnim djelatnostima podrazumijeva se zadovoljavanje onih potreba urbanog civilizacijskog društva koje su nezamjenjiv uslov života i rada građana, državnih organa i drugih subjekata na području Kantona.

(3) Pod pojmom javne službe u komunalnim djelatnostima podrazumijevaju se komunalne djelatnosti iz člana 3. ovog zakona, koje kao opšte korisne djelatnosti, predstavljaju sistemsku cjelinu organizovanja i vršenja putem državnih službi, jedinica lokalne samouprave, te za to posebno organizovanih samostalnih organizacija koje su prihvaćene, podržavane i kontrolisane od strane državne zajednice.

(4) Kanton, Grad, općine, pravna i fizička lica koja obavljaju komunalne djelatnosti, obavezni su na osnovu ovog zakona i posebnih propisa:

a) osigurati trajno i kvalitetno obavljanje komunalnih djelatnosti;

b) osigurati održavanje komunalnih objekata i uređaja u stanju funkcionalne sposobnosti;

c) poduzimati mjere za očuvanje i zaštitu okoliša;

d) osigurati javnost i transparentnost rada.



11313

Broj: M-98/20
Sarajevo, 22.09.2020. godine
Bosna i Hercegovina
Federacija Bosne i Hercegovine
KANTON SARAJEVO
Ministarstvo saobraćaja

24-09-2020
04 11 36498-7

Veza Vaš broj 04-11-36498/20 od 21.09.2020.godine,

Dana, 22.09.2020.godine ovo Pravobranilaštvo zaprimilo je Zahtjev za davanje mišljenje na nacrt Sporazuma o rješavanju problema u poslovanju preduzeća KJKP "Gras" d.o.o. Sarajevo, između ugovornih strana Kanton Sarajevo i KJKP "Gras" d.o.o. Sarajevo. Uz zahtjev je dostavljen nacrt Sporazuma uz obrazložen pravni osnov za njegovo zaključenje.

Na osnovu uvida u dostavljenu dokumentaciju te u skladu sa relevantnim zakonskim propisima i odredbama člana 15., stav 2. Zakona o pravobranilaštvu Kantona Sarajevo (Sl.novine KS broj 33/08, 7/12 i 44/16), Pravobranilaštvo se izjašnjava kako slijedi:

Aktom broj P-418/14 od 19.09.2014.godine Pravobranilaštvo je uputilo odgovor na dostavljeni Zaključak Vlade broj 02-05-22658-30 od 13.08.2014.godine. Navedenim aktom je Pravobranilaštvo nedvosmisleno ukazalo na zakonsku obavezu podnošenja zahtjeva za pokretanje stečajnog postupka jer se na temelju utvrđenih činjenica Vlade Kantona Sarajevo u 2014.godini radilo o platežno nesposobnom preduzeću.

Polovinom 2014.godine KJKP "Gras" podnio je tužbu protiv Kantona Sarajevo za period od 2012-2015.godine vsp 103.892,33 KM zbog naknade štete radi neusklađivanja cijena karata za subvencionirane kategorije građana u skladu sa Zakonom o komunalnim djelatnostima Kantona Sarajevo. Koliko su rasli gubitak i dubioza navednog preduzeća govori i činjenica da je početkom septembra tekuće godine dostavljena nova tužba KJKP "Gras" d.o.o. protiv Kantona Sarajevo na iznos od 216.930.614,00 KM također radi naknade štete radi neprilagođavanja cijena karata tržišnoj vrijednosti i radi neisplate subvencija za određene grupe građana. Period tužbenog zahtjeva obuhvata 2015-2020.godinu.

Pravobranilaštvo ostaje pri svom mišljenju od 19.09.2014.godine jer na isto obavezuju pozitivni propisi koji uređuju predmetnu oblast, tačnije Zakon o stečajnom postupku FBiH.


Kao državno tijelo koje štiti imovinsko-pravne interese Kantona Sarajevo, Pravobranilaštvo ukazuje da ukoliko se Skupština Kantona odluči dati suglasnost na predloženi Sporazum, obrati se pažnja i koriguje sljedeće:

1. Iz Nacrta dostavljenog Sporazuma proizilazi da se Kanton Sarajevo obavezuje planirati dodatna sredstva u Budžetima za period 2021-2030 godina za rješavanje dugovanja u ukupnom iznosu od 150.000,00 KM odnosno u iznosima od po 15.miliona KM godišnje.

Kanton se također obavezuje osigurati sredstva u periodu od 2021-2030 godine za prevoz subvencioniranih kategorija korisnika i pokriva gubitaka u iznosu od 30.000.000,00 KM.

Kako se radi o enormno visokim iznosima koje je potrebno planirati i osigurati budžetima narednih 10 godina to je neophodno prije svega pribaviti mišljenje Ministarstva finansija, odnosno mišljenje da li se sredstva mogu planirati/obezbjediti, na koji način i po kojem pravnom osnovu za izvršenje obaveza koje bi Kantona Sarajevo preuzeo potpisivanjem ovog Sporazuma.





2. U svim odredbama Sporazuma neophodno je precizirati tačno obim prava i obaveze ugovorenih strana kao i rokove za njihovo ispunjenje, odnosno posljedice neispunjenja.

Npr: član 3., stav 3 "Uprava preduzeća i Sindikat se obavezuju pristati na bezuslovno provođenje restrukturiranja preduzeća kroz smanjenje broja zaposlenih...".

Iz ove odredbe nije jasno koji se rok ostavlja Upravi preduzeća za postupanje kao i šta su posljedice ne postupanja istog. Da li je planom restrukturiranja određen rok u kojem preduzeće treba da postupi, te da li je taj plan sastavni dio ovog Sporazuma? Iz Nacrta te informacije nisu poznate.

3. Kod povlačenja tužbi KJKP "Gras" d.o.o. protiv Kantona, potrebno je navesti broj parnica koje se vode pred Općinskim sudom u Sarajevu, kao i obavezu tužitelja da se odrekne tužbenih zahtjeva u ostavljenom roku po potpisivanju Sporazuma. Potrebno je takođe precizirati status troškova parničnog postupka.

4. Kada je u pitanju izmirenje dugova prema Upravi za indirektno oporezivanje i Poreznoj upravi Federacije, Sporazumom nisu definisane odredbe za slučaj nepostupanja KJKP "Gras", odnosno u slučaju trošenja novca u druge svrhe a ne u svrhe otplate duga Poreznoj i Upravi za indirektno oporezivanje jer ovim sporazumom Kanton se obavezuje obezbjediti novac konkretno za svrhe otplate navedenih dugova (Porezna uprava FBiH, Uprava za indirektno oporezivanje i dug po osnovu tužbi radnika preduzeća), a da pri tome prava Kantona nisu zaštićena.

5. Kada su u pitanju rješavanja duga KJKP "Gras" d.o.o. prema uposlenim radnicima nisu navedeni jasni parametri, odnosno prava i obaveze ugovornih strana kao i u prethodno navednim i datim sugestijama.

Tačnije, navednim Sporazumom stvara se obaveza Kantonu na obezbjeđenje i planiranje od oko 45.miliona KM godišnje na period od 10 godina.

Konačno, kao organ koji štiti imovinsko pravne interese Kantona Sarajevo ovo Pravobranilaštvo nije nadležno da štiti interese KJKP "Gras" d.o.o. Sarajevo, pa sa tog aspekta smatramo da ovim Sporazumom nisu adekvatno zaštićeni imovinsko pravni interesi Kantona Sarajevo.

PRAVOBRANILAC KANTONA

Karić Kemal



<http://pb.ks.gov.ba>, e-mail: pb@pb.ks.gov.ba

tel/fax: +387(0)33 214-033, +387(0)33 666-614 +387(0)33 226-024

Sarajevo, Branilaca Sarajeva 21

